

НОРМА МАСЛАХАТЧИ

ҲУҚУҚ СОЛИҚЛАР БУХГАЛТЕРИЯ

2005 йил июлдан чиқа бошлаган, ҳафтада бир марта чоп этилади

АКТ ИМКОНИАТЛАРИ

Электрон аукцион: савдога «уяли телефон» орқали

«Электрон онлайн-аукционларни ташкиллаштириш маркази» ДУК мобил қурилмалар орқали электрон рақамли имзодан (ЭРИ) фойдаланиш имкониятини жорий этишни режалаштирмоқда. Бу ҳоҳловчиларга аутентификациядан ўтиш ва электрон аукционларда мобил телефон ва бошқа электрон гаджетлар орқали ҳам иштирок этиш имконини беради.

Бу янгилик ЭРИдан фойдаланиш бўйича мавжуд тартиботлар билан белгиладиган барча чекловлардан холи бўлиш имконини беради. Ҳозирги пайтда электрон имзони олиш учун фуқаро ўз хотира картаси билан Давлат хизматлари марказига бориши керак. Ушбу карта келгусида фақат электрон рақамли имзони сақлаш ва ундан фойдаланиш учун қўлланилади. Ҳозирча ЭРИдан фойдаланилганда ушбу картани қўллаш керак, бу қўшимча қийинчиликларни туғдиради.

«Электрон онлайн-аукционларни ташкиллаштириш маркази» ДУК директори Муҳиддин Хўжаевнинг айтишича, фуқароларнинг маҳсулотларни таққослаш, тақрифлар топиш, товар ва хизматларни харид қилиш учун кўпинча смартфонлардан фойдаланиши туфайли тижорат майдони ўзгариб бормоқда. Уяли алоқа қурилмаларининг

кенг тарқалиши тўловни онлайн амалга ошириш учун кўп имкониятларни тақдим этмоқда. Мобил тижорат электрон тижоратга нисбатан жуда тез ривожланмоқда. Сотувчилар бу тенденцияга қараб мунтазам ошиб бораётган мобил аудиторияга ва ушбу аудиториядан келиб тушадиган талабларга мослашиши керак.

«E-IJRO AUKSION» электрон савдо майдончасидан фойдаланишни содалаштириш ва савдоларда мобил қурилмалар орқали иштирок этиш имкониятини жорий этиш мақсадида икки йил аввал ишга туширилган ва тор доирадаги ихтисосликка эга бўлган тизимни такомиллаштириш ишлари олиб борилмоқда. Ўтган вақт давомида платформа фойдалиги соҳаси анча кенгайтирилди ва эндиликда 12 катта йўналишни ўз ичига олади. Ҳозир ер участкалари, бинолар, автомобиллар, автобуслар, дўконлар ва

ҳаттоки бутунлай жиҳозланган ишлаб чиқариш цехларини ҳам харид қилиш мумкин. Аукцион раҳбарияти эришилган натижалар билан кифояланмай, ўз хоҳиши билан мулкни аукционда сотувга қўядиган юридик ва жисмоний шахслар орқали тақдим этилаётган хизматлар ва сотилаётган товарлар сонини оширишни режалаштирмоқда.

Айни пайтда аукционга тақдим этилган лотонинг 30 фоизидан кўпи уларнинг эгалари томонидан ихтиёрий равишда ким ошди савдосига қўйилди. Бу иштирокчилар ўртасидаги ишончдан далолатдир.

Савдолар жараёнида иштирокчиларга кўринмайдиган мураккаб техник жараёнлар юз бергани боис, аукцион тизимида Ўзбекистондаги энг яхшилардан деб тан олинган мураккаб, кўп босқичли киберхавфсизлик тизими қўлланилади.

Ҳозирги пайтда аукцион орқали қорхоналар ташкил этиш учун мўлжалланган қиймати 62 млрд сўмга тенг 7 640 ер участкаси сотилди. Бу жараёнда айрим иштирокчилар лотолар нархини сунъий оширишга уринади ёки савдога тўсқин-



лик қилади. Амалдаги қонунчиликка мувофиқ, бундай иштирокчилар жарима тўлаши керак. Улар иккинчи марта ушбу қондан бузса «қора рўйхатга» киритилади ва савдоларда иштирок эта олмайди. Биз ушбу салбий ҳодисага бутунлай барҳам беришга муваффақ бўлишимиз.

Электрон тижоратни ривожлантириш мамлакат иқтисодиёти ўсиши кўрсаткичларининг устувор йўналишларидан. «E-IJRO AUKSION» электрон савдо майдончаси – бу, келишувлар учун платформа бўлиб, икки томон ўртасида воситачи ҳисобланади. Савдолар, яъни аукционларни электрон майдон сайтидан фойдаланган ҳолда, электрон шаклда ўтказиш бошлангич нархни максимал даражада камайтиришни таъминлайди ва савдоларда етказиб берувчиларнинг иштирокчини ошқор этилмаслигини кафолатлайди. Бу, ўз навбатида, буюртмачи ва етказиб берувчи ўртасида келишув ва босим бўлмаслигини кафолатлайди.

ЎЗА асосида.

Янги ҳужжатларни тақдим этамиз

Тақдим этилаётган, шунингдек сўнгги пайтда қабул қилинган бошқа ҳужжатларнинг тўлиқ матни билан «Norma» АҚТ ва nrm.uz сайтида танишиб чиқишингиз мумкин.



Фармацевтика маҳсулотларини «сирли харидор» мониторинг қилади

Президентнинг «Ўзбекистон Республикаси фармацевтика тармоғида ислохотларни чуқурлаштиришга доир қўшимча чора-тадбирлар тўғрисида»ги қарорида (30.12.2019 йилдаги ПҚ-4554-сон) янги тартиб белгиланган.

Ушбу тартибга мувофиқ 2020 йил 1 июлдан бошлаб маҳаллий ва хорижий дори воситаларига нисбатан референт нарх шакллантириш тизими босқичмас босқич жорий этилади ва унда қуйидагилар кўзда тутилади:

> аҳоли жон бошига нисбатан даромадлар даражаси юқори, ўртачадан юқорироқ ва ўртачадан пастроқ бўлган давлатлар гуруҳига кирувчи камида 10 та референт мамлакатларни танлаш;

> дори шакли, қадоқдаги сони, дозаси, концентрацияси, ҳажми ва қадоқланишини ҳисобга олган ҳолда айни бир ишлаб чиқарувчининг худди шундай фаол моддага эга дори воситасининг ишлаб чиқарувчи мамлакатда, референт мамлакатларда ва Ўзбекистон Республикасида сотиш нархларини рўйхатдан ўтиш гу-

воҳномаси эгаси ёки унинг ишончли вакили томонидан рўйхатдан ўтказувчи органга тақдим этилиши;

> дори воситасининг ҳар бир савдо номи учун белгиланган энг юқори нархини қайд этиш ва бошқалар. Қарор билан қуйидагилар тасдиқланди:

> 2020–2024 йилларда Ўзбекистон Республикасининг фармацевтика тармоғини ривожлантириш концепцияси;

> 2020–2024 йилларда Ўзбекистон Республикасининг фармацевтика тармоғини ривожлантириш концепциясини 2020 йилда амалга ошириш чора-тадбирлари дастури.

2020 йил 1 июлдан бошлаб «фармацевтика маҳсулотларининг сирли харидори» институти жорий этилади. Унинг асосий вазифалари қуйидагилардан иборат:

> тиббиёт ташкилотлари ва дорихоналар томонидан рецептларни ёзиш ва дори воситаларининг савдо номи учун чекланган нархларни шакллантириш жараёнини тартибга солувчи қонунчилик талабларига риоя этилишини мониторинг қилиш ва баҳолаш;

> маълумот тўплаш ва мониторинг қилиш;

> маълумот тўплаш ва мониторинг қилишга тегишли ваколатли органлар ходимларини ҳам, фуқаролар жамияти институтлари ва бошқа шахсларни ҳам жалб этиш ва бошқалар.

Агентлик 2020 йил 1 мартга қадар референт нарх шакллантириш тизими доирасида дори воситалари нархларини қайд этиш тартибини ва референт мамлакатлар рўйхатини тасдиқлайди. 1 июлга қадар Асосий дори воситалари рўйхатига киритилган дори воситаларининг ҳар бир савдо номи учун чекланган нархлар қайд этилишини таъминлайди.

2020 йил 1 июлга қадар Соғлиқни сақлаш вазирлиги томонидан қуйидагилар тасдиқланади:

> мулкчилик шаклидан ва идоравий мансублигидан қатъи назар, ушбу талабни бузган тиббиёт ташкилотлари ходимларига нисбатан қўлланиладиган жавобгарлик қоралари назарда тутилган ҳолда, Дори воситаларининг халқаро патентланмаган номланиши бўйича рецептларни расмийлаштириш тартиби тўғрисидаги низоми;

> «Фармацевтика маҳсулотларининг сирли харидори» институтини жорий этиш доирасидаги тадбирларни ташкил этиш тартиби;

> 2020 йил 1 июлга қадар белгиланган тартибда Тиббий мақсадларда фойдаланиладиган дори воситаларининг ўзаро алмашинуви тўғрисидаги низоми.

Вазирлар Маҳкамасига 2020 йил 1 майга қадар Олий Мажлиси Қонунчилик палатасига қуйидагиларни назарда тутувчи Қонун лойиҳасини киритиш топширилган:

> дори воситаларига рецептлар ёзиш бўйича қонун ҳужжатларида белгиланган талабларни бузганлик учун тиббиёт ходимлари ва бошқа шахсларга нисбатан

2-бетда

Ушбу сонда:

3-6-БЕТЛАР

Янги ҳужжатлар билан таништирамиз

7-БЕТ

Бошқа давлатга ОВИР стикерисиз чиқса бўладими?

8-БЕТ

Товарни сотиш чоғида ҳисобварақ-фактурани олдиндан тўлов олмасдан тузиш мумкинми?

РАСМИЙ ҲУЖЖАТЛАР



• ЎЗБЕКИСТОН РЕСПУБЛИКАСИ ПРЕЗИДЕНТИНИНГ ҚАРОРИ

– «Ўзбекистон Республикаси қишлоқ хўжалигини ривожлантиришнинг 2020–2030 йилларга мўлжалланган стратегиясида белгиланган вазифаларни 2020 йилда амалга ошириш чора-тадбирлари тўғрисида».

• ИДОРАВИЙ МЕЪЁРИЙ-ҲУҚУҚИЙ ҲУЖЖАТЛАР:

– ЎзР ДСҚнинг «Давлат солиқ хизмати органлари томонидан солиқ тўловчилар фаолиятида амалга оширилаётган солиқ назорати тадбирини видеотасвирга олиш тартиби тўғрисидаги низомни тасдиқлаш ҳақида»ги қарори;

– ЎзР МВ, ИТСВ ва ҚХВнинг «Мева-сабзавот маҳсулотлари экспортёрларининг қишлоқ хўжалиги бирлашмалари аъзоларини мева-сабзавот маҳсулотларини ишлаб чиқаришнинг янги технологияларига ўргатиш, қишлоқ хўжалиги бирлашмалари аъзоларининг ерларида агротехник тадбирлар мониторингини ўтказиш, қишлоқ хўжалиги бирлашмалари аъзолари томонидан ишлаб чиқариладиган мева-сабзавот маҳсулотларининг ташқи бозорларида маркетинг тадқиқотларини ўтказиш билан боғлиқ харажатларнинг 50 фоизини қоплаш учун субсидиялар тақдим этиш тартиби тўғрисидаги низомни тасдиқлаш ҳақида»ги қарори.

ЎЗБЕКИСТОН РЕСПУБЛИКАСИ ПРЕЗИДЕНТИНИНГ ҚАРОРИ

ЎЗБЕКИСТОН РЕСПУБЛИКАСИ ҚИШЛОҚ ХЎЖАЛИГИНИ РИВОЖЛАНТИРИШНИНГ 2020-2030 ЙИЛЛАРГА МЎЛЖАЛЛАНГАН СТРАТЕГИЯСИДА БЕЛГИЛАНГАН ВАЗИФАЛАРНИ 2020 ЙИЛДА АМАЛГА ОШИРИШ ЧОРА-ТАДБИРЛАРИ ТЎҒРИСИДА*

Ўзбекистон Республикаси Президентининг 2019 йил 23 октябрдаги «Ўзбекистон Республикаси қишлоқ хўжалигини ривожлантиришнинг 2020–2030 йилларга мўлжалланган стратегиясини тасдиқлаш тўғрисида»ги ПФ-5853-сон Фармони ижросини таъминлаш мақсадида:

1. Ўзбекистон Республикаси қишлоқ хўжалигини ривожлантиришнинг 2020–2030 йилларга мўлжалланган стратегиясида белгиланган вазифаларни 2020 йилда амалга ошириш бўйича чора-тадбирлар дастури (кейинги ўринларда – Дастур) 1-иловага** мувофиқ тасдиқлансин.

2. Белгилансинки, Ўзбекистон Республикаси қишлоқ хўжалигини ривожлантиришнинг 2020–2030 йилларга мўлжалланган стратегияси доирасида 2020 йилда:

1) «озик-овқат хавфсизлиги бўйича давлат сибсатини ишлаб чиқиш ва жорий этиш» йўналишида 2020 йил 1 октябрдан бошлаб аҳолини дон маҳсулотлари билан улзуксиз таъминлаш ва нархлар кескин ўзгаришининг олдини олиш мақсадида интервенцион харидлар тизими босқичма-босқич жорий этилади. Бунда:

2021 йил ҳосилидан бошлаб дон учун давлат буюртмаси ҳажмларини босқичма-босқич камайтириш, шу жумладан бошоқли дон харид қилиш ва сотишда эркин рақобатни таъминлайдиган бозор механизмларини жорий этиш;

озик-овқат хавфсизлигини таъминлаш учун давлат буюртмаси тизимидан давлат захирасидан фойдаланишга ўтиш бўйича механизми ишлаб чиқиш назарда тутилади;

2) «қулай агробизнес муҳитини ва қўшилган қиймат занжирини яратиш» йўналишида Ўзбекистон Республикаси Қишлоқ хўжалиги вазирлиги Иқтисодиёт ва саноат вазирлиги, Молия

вазирлиги ҳамда бошқа манфаатдор вазирлик ва идоралар билан бирга 2020 йил 1 октябрга қадар 2021 йил ҳосилидан бошлаб бозор конъюктураси таҳлили ва агротехника тадбирларини ўтказиш харажатларнинг прогноз ҳисоб-китоби асосида пахта-тўқимачилик кластерлари учун фермер хўжалиқлари томонидан етиштирилган пахта хом ашёсини етказиб бериш бўйича шартномаларнинг шартларини аниқлашда минимал нархларни белгилаш йўли билан пахта хом ашёси нархларини шакллантириш, харид қилиш ва сотишнинг бозор таомилларига ўтишни назарда тутувчи қарор лойиҳасини Вазирлар Маҳкамасига киритсин.

3) «соҳада давлат иштирокини камайтириш, инвестициявий жозибadorликни ошириш» йўналишида:

а) 2020 йил 1 мартдан пахта хом ашёси ва бошоқли дон етиштиришда банд бўлмаган майдонларда тупроқ-иқлим шaroитлари ва бозор конъюктурасидан келиб чиққан ҳолда туманларни босқичма-босқич ихтисослаштириш тизими жорий этилади;

б) Ўзбекистон Республикаси Марказий банки, Молия вазирлиги, Иқтисодиёт ва саноат вазирлиги, «Давергеодезкадастр» қўмитаси ҳамда Қишлоқ хўжалиги вазирлиги уч ой мuddатда кредитлаш ва сугурталаш механизминини қишлоқ хўжалиги ва озиқ-овқат тармогининг стратегик устувор йўналишлари ҳамда эҳтиёжларига мос равишда такомиллаштириш бўйича норматив-ҳуқуқий ҳужжат лойиҳасини ишлаб чиқсин.

Бунда:

кредит тақдим қилишда «омборхона гувоҳномалари», бошқа молиявий воситалар ва ер участкаларига бўлган ижара ҳуқуқидан гаров таъминоти сифатида фойдаланилиши;

*Ушбу қарор Қонун ҳужжатлари маълумотлари миллий базасида (lex.uz) расман эълон қилинган ва 29.01.2020 йилдан кучга кирди.

**Қарорга 1–2-иловалар «Норма маслаҳатчи»да берилмайди. Ҳужжатнинг тўлиқ матни билан «Норма» АҚТ ва nrm.uz сайтида танишиш мумкин.

қишлоқ хўжалигида хатарларни сугурталашнинг янги турлари жорий этилиши назарда тутилсин;

в) Ўзбекистон Республикаси Давлат активларини бошқариш агентлиги **2020 йил 1 апрелга қадар** бошоқли дон ва пахтани қайта ишлаш, ресурс таъминоти ва хизмат кўрсатиш соҳаларидаги давлат улуши мавжуд корхоналарни хусусийлаштириш бўйича тақлифлари Вазирлар Маҳкамасига киритсин;

4) «табiiий ресурслардан оқилана фойдаланиш ва атроф муҳит муҳофазасини таъминлаш тизимини такомиллаштириш» йўналишида:

а) **2020 йил 1 апрелдан** бошлаб тажриба-синов тариқасида Тошкент вилояти Қибрай ва Тошкент туманлари, Фарғона вилояти Фарғона ва Олтиариқ туманлари ҳамда Қашқадарё вилоятининг Китооб ва Нишон туманларида:

жисмоний ва юридик шахсларга ер участкаларини қишлоқ хўжалиги мақсадлари учун шаффоф ва очиқ танлов ўтказиш орқали ажратиш механизми жорий этилади;

жисмоний ва юридик шахсларга кейинчалик танловга қўйиш бўйича ташаббус кўрсатиш ҳуқуқини тақдим этган ҳолда махсус геопортал орқали ер участкаси тўғрисидаги маълумотларни жойлаштириш ҳуқуқи берилади;

қишлоқ хўжалигига мўлжалланган ерлардан фойдаланиш ҳуқуқининг бозор қийматини баҳолаш ҳамда улардан солиққа тортишда фойдаланиш механизми жорий этилади.

«Давержеодэкадастр» кўмитаси Ўзбекистон Республикаси Қишлоқ хўжалиги вазирлиги ва Молия вазирлиги билан биргаликда **2020 йил 1 мартга қадар** қўйидагиларни назарда тутувчи норматив-ҳуқуқий ҳужжат лойиҳасини ишлаб чиқсин ва Вазирлар Маҳкамасига киритсин:

туман (шаҳар) ер ресурслари ва давлат кадастри бўлимлари томонидан қишлоқ хўжалиги эҳтиёжлари учун мўлжалланган захира ерларини ер участкалари рўйхатини тузиш ва уларни танловга қўйиш;

жисмоний ва юридик шахсларга қишлоқ хўжалиги мақсадлари учун ер участкасига бўлган ижара ҳуқуқини танлов орқали бериш;

жисмоний ва юридик шахсларга махсус геопортал орқали танловга қўйиладиган ер майдонларини танлаш имкониятини яратиш;

жисмоний ва юридик шахсларга қишлоқ хўжалиги мақсадлари учун ер участкаларини ижара ҳуқуқи асосида фойдаланишга бериш бўйича материалларни тўплаш, қўриб чиқиш ва ваколатли органлар ҳамда ташкилотлар билан келишишни электрон шаклда амалга ошириш;

қишлоқ хўжалигига мўлжалланган ер участкаларини олиб қўйишнинг амалдаги тартибини қайта қўриб чиқиб, ерлардан бошқа мақсадларда фойдаланилиши ва экологик вазиятнинг ёмонлашувини асосий мезонлардан бири сифатида белгиланган ҳолда ер участкаларига бўлган ҳуқуқларни бекор қилишнинг шаффоф ва адолатли механизмларини жорий этиш;

5) «бошқарувнинг замонавий тизимларини ривожлантириш» йўналишида Ўзбекистон Республикаси Қишлоқ хўжалиги вазирлиги ва унинг таркибига кирувчи ташкилотларнинг ваколат ва фаолият йўналишлари функционал баҳолаш мезонлари асосида қайта қўриб чиқилади.

Ўзбекистон Республикаси Қишлоқ хўжалиги вазирлиги **2020 йил 1 майга қадар** етакчи хорижий консалтинг компанияларини жалб қилган ҳолда Қишлоқ хўжалиги вазирлиги марказий аппарати ва унинг таркибига кирувчи ташкилотларнинг бошқарув тизимини функционал баҳолаш асосида соҳада давлат бошқаруви тузилмасини такомиллаштириш бўйича чораларни амалга оширсин.

Бунда:

давлат ролини давлат буюртмасини бериш, экинларни жойлаштириш ва қишлоқ хўжалиги маҳсулотлари ишлаб

чиқаришни назорат қилиш тизимидан фермер ва деҳқон хўжалиқларида меҳнат унумдорлигини ошириш, озиқ-овқат маҳсулотларининг ҳафсизлигини таъминлаш ва сифатини ошириш, атроф муҳитни муҳофаза қилиш ва хусусий сектор томонидан кўрсатилмайдиган бошқа мақсадлар учун зарур бўлган давлат хизматларини кўрсатишга йўналтириш;

давлат-хусусий шериклик механизмларидан фойдаланган ҳолда давлат хизматларини кўрсатиш бўйича хусусий сектор билан ҳамкорлиқни кучайтириш;

вертикал ва горизонтал бошқарув тизимини такомиллаштириш;

кадрлар салоҳиятини ошириш бўйича касбий ривожланиш дастурларини ишлаб чиқиш назарда тутилсин;

б) «фермер хўжалиқларида меҳнат унумдорлигини ошириш, маҳсулот сифатини яхшилаш, юқори қўшилган қиймат яратишга қаратилган тармоқ дастурларини ишлаб чиқиш орқали давлат харажатлари самарадорлигини ошириш ва босқичма-босқич қайта тақсимлаш» йўналишида Ўзбекистон Республикаси Молия вазирлиги Қишлоқ хўжалиги вазирлиги билан биргаликда Вазирлар Маҳкамасига қўйидагилар бўйича тақлифлар киритсин:

а) **2020 йил 1 мартга қадар** Ўзбекистон Республикаси Молия вазирлиги ҳуртидаги Қишлоқ хўжалигини давлат томонидан қўллаб-қувватлаш жамғармаси фаолиятини қайта қўриб чиқиш;

а) **2020 йил 1 июлга қадар** агросаноат мажмуини ўрта муддатли дастурий молиялаштириш тамойилларига ўтказиш.

Бунда:

тармоқ дастурларини ишлаб чиқишда агросаноат мажмуига кирувчи вазирликлар ва идоралар бюджетларини комплекс қўриб чиқиш механизминини жорий этиш;

давлат-хусусий шериклик механизмларини жорий этиш, ирригация инфратузилмасини модернизация қилиш ва ресурс тежамкор технологияларни қўллаш орқали ирригация соҳаси харажатларини камайтириш ҳисобига илмий-тадқиқот ишлари харажатларини қўлайтириш;

агросаноат мажмуиди харажатларни диверсификация қилиш назарда тутилсин;

7) «илм-фан, таълим, ахборот ва маслаҳат хизматлари тизимини ривожлантириш» йўналишида **2020 йил 1 мартдан** бошлаб агросаноат мажмуига кирувчи илмий, илмий-тадқиқот ва илмий-тажриба муассасаларининг бино ва иншоотларини сақлаш, ходимлар меҳнатига ҳақ тўлаш бўйича харажатларни молиялаштириш Ўзбекистон Республикаси Давлат бюджети маблағлари ҳисобидан базавий молиялаштириш шартларига ўтказилди.

2020–2021 йилларда Ўзбекистон Республикаси Давлат бюджети ҳисобидан базавий молиялаштиришга ўтказиладиган агросаноат мажмуу таркибига кирувчи илмий-тадқиқот муассасалари рўйхати **2-иловага**** мувофиқ тасдиқлансин.

Агросаноат мажмуу таркибига кирувчи илмий-тадқиқот муассасалари раҳбар ходимларининг меҳнатига ҳақ тўлаш шартлари бюджет маблағлари ҳисобига фундаментал, амалий тадқиқотлар ва инновация ишларнинг илмий-техника дастурларини амалга оширишда қатнашувчи илмий-тадқиқот муассасалари раҳбар ходимларининг базавий лавозим маошларига тенглаштирилсин;

8) «тармоқ статистикасининг шаффоф механизминини яратиш» йўналишида Ўзбекистон Республикаси Қишлоқ хўжалиги вазирлиги **уч ой муддатда** қўйидагиларни назарда тутувчи ҳужумат қарори лойиҳасини киритсин:

хусусий секторни кенг жалб қилиш имкониятларини инобатга олган ҳолда Қишлоқ хўжалиги вазирлиги тизимига Агросаноат комплексиде ягона ахборот дастури (кейинги ўринларда – Ягона дастур) юритилиши учун масъул ташкилот тузиш;

агросаноат мажмуига тегишли барча вазирлик ва идораларни ҳамда ушбу мажмуада фаолият олиб бораётган ҳўжалик юритувчи субъектларнинг Ягона дастурда ишлаш тартиби;

агросаноат мажмуига тегишли барча вазирлик ва идоралар ахборот тизимларининг Ягона дастур билан интеграциясини таъминлаш назарда тутилсин.

3. Ўзбекистон Республикаси Инвестициялар ва ташқи савдо вазирлиги Қишлоқ ҳўжалиги вазирлиги, Молия вазирлиги, Иқтисодиёт ва саноат вазирлиги билан биргаликда 2020—2022 йилларда:

давлат-хусусий шериклик шартлари асосида мева-сабзавотчиликка ихтисослашган туманларда ташкил этилган қишлоқ ҳўжалиги бирлашмаларини маҳсулотларнинг сифатини таҳлил ва назорат қилиш бўйича халқаро стандартларга жавоб берувчи замонавий лабораториялар билан жиҳозлаш;

қишлоқ ҳўжалиги бирлашмаларини малакали менежер, маркетинг, агроном, иқтисодчи ва бошқа керакли мутахассислар билан таъминлаш учун халқаро молия институтлари ва хорижий ташкилотлар маблағларини жалб этишни таъминласин.

4. Ўзбекистон Республикаси Қишлоқ ҳўжалиги вазирлиги: Ўзбекистон Республикаси Инвестициялар ва ташқи савдо вазирлиги, Молия вазирлиги билан биргаликда Дастурни амалга ошириш учун халқаро молия институтлари ва бошқа хорижий ташкилотларнинг маблағлари жалб этилишини таъминласин;

Ўзбекистон Республикаси Адлия вазирлиги, бошқа манфаатдор вазирлик ва идоралар билан биргаликда **икки ой мuddатда** қонун ҳужжатларига ушбу қарордан келиб чиқадиغان ўзгартриш ва қўшимчалар тўғрисида Вазирлар Маҳкамасига тақлифлар киритсин.

5. Ўзбекистон Республикаси Президенти Администрацияси ҳузурдаги Ахборот ва оммавий коммуникациялар агентлиги, Ўзбекистон Миллий ахборот агентлиги ва Ўзбекистон Миллий телерадиокомпанияси Қишлоқ ҳўжалиги вазирлиги билан биргаликда мазкур қарорнинг мазмун-моҳияти ҳамда мақсад ва вазифалари оммавий ахборот воситаларида кенг ёритилишини таъминласин.

6. Мазкур қарор ижроси қуйидаги тартибда амалга ошириلسин:

а) Ўзбекистон Республикаси Бош вазирининг аграр ва озиқ-овқат соҳаларини ривожлантириш масалалари бўйича масъулаҳатчиси А.Д. Ваҳабов – **мазкур қарор ижросини** сифатли, тўлиқ ва ўз вақтида амалга ошириш, масъул вазирлик, идора, ташкилотлар ва ҳўкимликларнинг фаолиятини самарали ташкил қилиш ҳамда мувофиқлаштириш, **ҳар ойда улар раҳбарларининг бажарилган ишлар тўғрисидаги ҳисоботларини**

эшитиш ҳамда аниқланган муаммо ва камчиликларни ўз вақтида бартараф этишни таъминласин;

б) Ўзбекистон Республикаси қишлоқ ҳўжалиги вазири Ж.А.Ходжаев – Дастурни амалга ошириш бўйича барча зарурий чоралар қўрилишини таъминласин, мазкур қарорни ўз вақтида амалга оширишда масъул ташкилотларга ҳар томонлама услубий ва амалий кўмак берсин ҳамда **ҳар ой Ўзбекистон Республикаси қишлоқ ҳўжалигини ривожлантиришнинг 2020—2030 йилларга мўлжалланган стратегиясини амалга ошириш бўйича Мувофиқлаштирувчи кенгашга унинг баҳарлилиги бўйича батафсил маълумот киритиб бормсин;**

в) Ўзбекистон Республикаси инвестициялар ва ташқи савдо вазири С.У.Умурзоқов – Дастурни 2020 йилда амалга ошириш учун халқаро молия институтлари ва хорижий ҳўкумат молия ташкилотлари, жумладан салоҳиятли хорижий инвесторларнинг маблағлари жалб этилишини таъминласин;

г) Ўзбекистон Республикаси қишлоқ ҳўжалиги вазири ўринбосарлари:

Ш.Ж.Тешаев – бошоқли доннинг давлат харидларини **босқичма-босқич бекор қилиш** ҳамда пахта хом ашёси нарҳларини тартибга солишининг **бозор механизмларини** жорий этиш бўйича ишларни тайёрлашни таъминласин;

С.С.Ходжаев – қишлоқ ҳўжалиги ва озиқ-овқат тармогини **кредитлаш ва сугурталаш** механизмларини такомиллаштириш ҳамда агросаноат мажмуини молиялаштиришни **ўрта мuddатли дастурий молиялаштириш тамойилларига ўтказиш бўйича комплекс чоралар ишлаб чиқиш тадбирларини амалга оширсин;**

Б.М.Холиқов – агросаноат мажмуи таркибига кирувчи, жумладан базавий бюджет молиялаштиришига ўтказилаётган **илмий-тадқиқот муассасалари** ишини сифатли ташкил этиш, **амалга оширилаётган илмий-техник дастурлар ва тадқиқотлар натижаларини** қишлоқ ҳўжалигида амалий қўллашни таъминласин;

д) Қўрақалпоғистон Республикаси Вазирлар Кенгаши раиси, вилоятлар ва туманлар ҳўкимлари – **жисмоний ва юридик шахсларга қишлоқ ҳўжалиги мақсадлари учун ер участкаларини шаффоф ва очиқ танловлар ўтказиш орқали ажратиш** бўйича жорий этилаётган тартибга сўзсиз риоя қилиш, бошоқли доннинг **давлат харидларидан босқичма-босқич воз кечиш** бўйича тадбирлар амалга оширилишини таъминласин.

Ўзбекистон Республикаси Президенти Ш.МИРЗИЁЕВ.

*Тошкент ш.,
2020 йил 28 январь
ПҚ-4575-сон.*

Реклама



«СОЛИҚЛАР: САВОЛЛАР ВА ЖАВОБЛАР»

Ўзбек тилидаги қўлланмасини тақдим этамиз

Тошкент ш., Миробод тумани, Тақлимаржон кўч., 1/1.
Тел. (71) 200-00-90.
E-mail: office@norma.uz, web: www.norma.uz

ДАВЛАТ СОЛИҚ ХИЗМАТИ ОРГАНЛАРИ ТОМОНИДАН СОЛИҚ ТЎЛОВЧИЛАР ФАОЛИЯТИДА АМАЛГА ОШИРИЛАДИГАН СОЛИҚ НАЗОРАТИ ТАДБИРИНИ ВИДЕОТАСВИРГА ОЛИШ ТАРТИБИ ТЎҒРИСИДАГИ НИЗОМНИ ТАСДИҚЛАШ ҲАҚИДА*

Ўзбекистон Республикаси Адлия вазирлиги томонидан 2019 йил 30 декабрда рўйхатдан ўтказилди,
рўйхат рақами 3207

Ўзбекистон Республикасининг Солиқ кодексига ва Ўзбекистон Республикаси Президентининг 2019 йил 10 июлдаги ПҚ-4389-сон «Солиқ маъмуриятчилигини такомиллаштириш бўйича қўшимча чора-тадбирлар тўғрисида»ги қарорига мувофиқ Ўзбекистон Республикаси Давлат солиқ қўмитаси қарор қилади:

1. Давлат солиқ хизмати органлари томонидан солиқ тўловчилар фаолиятида амалга ошириладиган солиқ назорати тадбирини видеотасвирга олиш тартиби тўғрисидаги низомиловлага мувофиқ тасдиқлансин.

2. Мазкур қарор расмий эълон қилинган кундан эътиборан уч ойдан кейин кучга киради.

Давлат солиқ қўмитаси раиси
Б.МУСАЕВ.

Тошкент ш.,
2019 йил 27 ноябрь
2019-58-сон.

ЎзР ДСҚнинг 2019 йил 27 ноябрдаги 2019-58-сон қарорига
ИЛОВА

ДАВЛАТ СОЛИҚ ХИЗМАТИ ОРГАНЛАРИ ТОМОНИДАН СОЛИҚ ТЎЛОВЧИЛАР ФАОЛИЯТИДА АМАЛГА ОШИРИЛАДИГАН СОЛИҚ НАЗОРАТИ ТАДБИРИНИ ВИДЕОТАСВИРГА ОЛИШ ТАРТИБИ ТЎҒРИСИДАГИ НИЗОМ

Мазкур Низоми Ўзбекистон Республикаси Президентининг 2019 йил 10 июлдаги ПҚ-4389-сон «Солиқ маъмуриятчилигини такомиллаштириш бўйича қўшимча чора-тадбирлар тўғрисида»ги қарорига асосан давлат солиқ хизмати органлари (бундан буён матнда солиқ органи деб юритилади) томонидан солиқ тўловчилар фаолиятида қонун ҳужжатларида белгиланган тартибда ва шаклларда амалга ошириладиган солиқ назорати тадбирини видеотасвирга олиш тартибини белгилайди.

1-БОБ. УМУМИЙ ҚОИДАЛАР

1. Ушбу Низомида куйидаги асосий тушунчалардан фойдаланилади:

солиқ назорати тадбири – Ўзбекистон Республикасининг Солиқ кодексига мувофиқ солиқ тўловчиларда солиқ назоратининг айрим шаклларида амалга ошириладиган тадбирлар (бундан буён матнда назорат тадбири деб юритилади);

видеотасвирга олиш мосламалари – видеотасвирга олиш қурilmалари, жумладан видеокамералар ва видеотасвирга олиш имконини берувчи бошқа қурilmалар;

видеотасвирга олиш жараёнининг иштирокчилари (бундан буён матнда иштирокчилар деб юритилади) – солиқ органининг ходимлари, солиқ тўловчилар ҳамда уларнинг вакиллари ва бошқа шахслар (назорат тадбирига жалб қилинган мутахассислар, экспертлар, таржимонлар, зарур ҳолларда ҳолис ва харидорлар);

видеотасвирга олиш – солиқ органи раҳбари ёки раҳбар ўринбосарининг буйруғига асосан иштирокчилар томонидан солиқ тўловчилар фаолиятида амалга ошириладиган назорат тадбири жараёнини видеотасвирга олиш мосламаларидан фойдаланган ҳолда кузатиш ва қайд этиш (тасвирга олиш).

2. Солиқ органлари томонидан солиқ тўловчилар фаолиятида амалга ошириладиган солиқ назорати жараёнини,

далилларни қайд этиш учун назорат тадбирлари жараёни видеотасвирга олинади, бундан норматив-ҳуқуқий ҳужжатларда видеотасвирга олиш тақиқланган муайян тартибга бўйсунувчи объектлар мустасно.

3. Солиқ органлари томонидан солиқ тўловчи тўғрисида олинган ҳар қандай маълумот солиқ сирини ташкил этади, бундан қонун ҳужжатларида белгиланган ҳоллар мустасно. Солиқ органига келиб тушган, солиқ сирини ташкил этувчи маълумотлар сақлаш ва фойдаланишининг махсус режимига эга бўлади.

2-БОБ. ВИДЕОТАСВИРГА ОЛИШ ЖАРАЁНИ ИШТИРОКЧИЛАРИНИНГ ҲУҚУҚ ВА МАЖБУРИЯТЛАРИ

4. Назорат тадбирини видеотасвирга олиш жараёнида солиқ тўловчилар ва уларнинг вакиллари куйидаги ҳуқуқ ва мажбуриятларга эга:

а) солиқ тўловчилар ва уларнинг вакиллари ҳуқуқлари: солиқ органининг назорат тадбирини ўтказиш тўғрисидаги буйруғи билан танишиш;

назорат тадбири якуни бўйича олинган видеотасвир маълумотларидан нусха олиш;

солиқ органлари мансабдор шахсларининг ҳаракатлари (ҳаракатсизлиги) устидан белгиланган тартибда шикоят қилиш;

солиқ органлари мансабдор шахсларининг қонунга хилоф ҳаракатлари туфайли етказилган зарарнинг ўрни қопланишини талаб қилиш;

солиқ органи томонидан амалга ошириладиган назорат тадбири жараёнини видеотасвирга олиш;

б) солиқ тўловчилар ва уларнинг вакиллари мажбуриятлари:

назорат тадбирини солиқ органи томонидан видеотасвирга олиш учун шароит яратиш;

*Ушбу қарор қонун ҳужжатлари маълумотлари миллий базасида (lex.uz) 30.12.2019 йилда расман эълон қилинган ва 31.03.2020 йилдан кучга киради.

солиқ органи мансабдор шахсларнинг назорат тадбирини видеотасвирга олишига тўсқинлик қилмаслик;
солиқ органи ходимларининг талабига кўра назорат тадбири яқини бўйича олинган видеотасвир маълумотларидан нусха бериш.

5. Видеотасвирга олиш жараёнида солиқ органининг мансабдор шахслари куйидаги ҳуқуқ ва мажбуриятларга эга:

а) солиқ органи мансабдор шахсларининг ҳуқуқлари:
солиқ органи томонидан амалга ошириладиган назорат тадбири жараёнини солиқ тўловчи ёки унинг вакиллари ва бошқа шахслар иштирокида видеотасвирга олиш;
солиқ тўловчидан видеотасвирга олиш жараёнининг тўлиқ амалга оширилишига тўсқинлик қилаётган ҳолатларни бартараф этишни талаб қилиш;
назорат тадбири яқини бўйича солиқ тўловчи ва унинг вакиллари томонидан олинган видеотасвир маълумотларидан нусха олиш;

б) солиқ органи мансабдор шахсларининг мажбуриятлари:
иштирокчиларни назорат тадбирини ўтказиш тўғрисидаги буйруқ билан таништириш;
назорат тадбири жараёнида солиқ тўловчи ҳамда унинг вакиллари ва бошқа шахсларга видеотасвирга олиш билан боғлиқ ҳуқуқ ва мажбуриятларни тушунтириш;
солиқ тўловчи ёки унинг вакиллари талабига кўра солиқ назорати тадбири яқини бўйича олинган видеотасвир маълумотларидан нусха бериш;

солиқ тўловчи ва унинг вакиллари фаолиятига алоқадор ахборотларни бошқа шахсларга ошкор этмаслик, бундан қонун ҳужжатларида белгиланган ҳоллар мустасно;
солиқ тўловчи ва унинг вакилларининг назорат тадбирини видеотасвирга олишига тўсқинлик қилмаслик.

6. Видеотасвирга олиш жараёнининг иштирокчилари бўлган бошқа шахслар куйидаги ҳуқуқ ва мажбуриятларга эга:

а) видеотасвирга олиш жараёни иштирокчилари бўлган бошқа шахсларнинг ҳуқуқлари:
видеотасвирга олиш жараёнининг сабаблари билан танишиш;
видеотасвирга олиниши юзасидан ўз эътирозларини билдириш;

б) видеотасвирга олиш жараёнининг иштирокчилари бўлган бошқа шахсларнинг мажбуриятлари:
солиқ органи мансабдор шахсларининг назорат тадбирини видеотасвирга олиш жараёнига тўсқинлик қилмаслик;
назорат тадбири жараёнида ўзига маълум бўлган солиқ тўловчи ва унинг вакиллари фаолиятига алоқадор ахборотларни бошқа шахсларга ошкор этмаслик, бундан қонун ҳужжатларида белгиланган ҳоллар мустасно.

3-БОБ. НАЗОРАТ ТАДБИРЛАРИНИ ВИДЕОТАСВИРГА ОЛИШ

7. Назорат тадбирлари жараёни видеотасвирга олиш солиқ органи раҳбари ёки раҳбар уринбосарининг назорат тадбирини ўтказиш тўғрисидаги буйруғи асосида амалга оширилади.

8. Солиқ органи томонидан куйидаги назорат тадбирларининг видеотасвирга олинишига йўл қўйилади:

солиқ солиш объектларини ва солиқ солиш билан боғлиқ объектларни ҳисобга олишда;
хронотраж кўздан кечиришда;
ҳўжалик юритувчи субъектлар ходимларининг ҳисоботдаги сонининг ва ҳақиқий сонининг мувофиқлиги юзасидан мониторингда;
солиқ текширувларида;
мавзули экспресс-урғанишда;
фискал хотирали назорат-касса машиналарини кўллашда;

акция тўланадиган айрим турдаги товарларни маркалашда;
солиқ мониторингида.

9. Амалга ошириладиган назорат тадбирида куйидаги жараёнлар видеотасвирга олинади:

солиқ тўловчи томонидан даромадлар олиш учун фойдаланилаётган ёки солиқ солиш объектлари билан боғлиқ ҳудудларни, ишлаб чиқариш, омборхона, савдо ҳамда бошқа биноларини, шу жумладан жойларни кўздан кечириш, шунингдек солиқ тўловчининг мол-мулкни инвентаризациядан ўтказишда;

солиқ тўловчи ёки унинг вакиллари томонидан содир этилган ҳуқуқбузарлик фактини қайд этишда;

назорат хариди билан бошланадиган текширишларда харид кузатувини амалга оширилиши, назорат касса машинаси (виртуал касса) ҳамда тўлов терминаллари кўрсаткичи бўйича ҳисоботларни олиниши ҳамда кассадаги пул маблағларини саноқдан ўтказилиши жараёнини кузатишда;

солиқ тўловчи ёки унинг вакиллари томонидан текшириш билан боғлиқ бўлган ҳужжатлар тақдим этилмаганда;

солиқ тўловчи ёки унинг вакиллари томонидан текшириш ҳужжатларига имзо қўйишдан бош тортилганда;

солиқ тўловчи ҳамда унинг вакиллари ва бошқа шахслар томонидан солиқ назоратининг амалга оширилишига тўсқинлик қилинганда;

солиққа оид ҳуқуқбузарлик предметлари (буюм ва ҳужжатлар), иш бўйича ашёвий далиллар олиб қўйилганда;

солиқ тўловчи ёки унинг вакилларининг талабларига кўра; зарур бўлганда ҳужжатлар нусхаларини тайёрлашда ҳамда иш учун аҳамиятли бўлган бошқа ҳолатларда.

10. Назорат тадбирини видеотасвирга олиш солиқ тўловчиларнинг қонуний фаолиятини тўхтатиб қўймайдиган ва фаолият кўрсатишига зиён етказмайдиган тарзда амалга оширилади.

11. Видеотасвирга олиш вақти назорат тадбирида солиқ тўловчи томонидан даромадлар олиш учун фойдаланилаётган ёки солиқ солиш объектлари билан боғлиқ ҳудудларни, ишлаб чиқариш, омборхона, савдо ҳамда бошқа биноларни, шу жумладан жойларни кўздан кечириш, шунингдек солиқ тўловчининг мол-мулкни инвентаризациядан ўтказиш, ишга доир ашёвий далилларни, предметларни (буюм ва ҳужжатларни) олиш жараёни давомийлигида амалга оширилади.

12. Солиқ органи томонидан солиқ тўловчилар фаолиятида амалга ошириладиган назорат тадбири жараёни видеотасвирга олинган ҳолларда ҳолисларнинг иштирок этиши талаб этилмайди, бундан қонун ҳужжатларида кўрсатилган ҳоллар мустасно.

13. Назорат тадбири натижаси бўйича тузилган далолатномада (баённомада, маълумотномада) тадбир жараёнини видеотасвирга олиш мосламаси (қурилманиннг русуми ва серия рақами), видеотасвирга олинган ҳолатлар тўғрисидаги маълумотлар акс эттирилади.

14. Солиқ органи томонидан амалга ошириладиган назорат тадбири жараёни видеотасвирга олишда солиқ тўловчи ёки унинг вакиллари, шунингдек бошқа шахслар томонидан тўсқинлик қилинганда ва қаршилик кўрсатилганда солиқ органи ходими мазкур ҳолат юзасидан далолатнома (баённома) расмийлаштириб, тегишлилиги бўйича ҳуқуқни муҳофаза қилиш органлари вакилларини назорат тадбирида иштирок этишга жалб қилиши мумкин.

4-БОБ. НАЗОРАТ ТАДБИРЛАРИДА ОЛИНГАН ВИДЕОТАСВИР МАЪЛУМОТЛАРИДАН ФОЙДАЛИНИШ

15. Солиқ органлари томонидан солиқ тўловчилар фаолиятида амалга оширилган назорат тадбири жараёнида олинган видеотасвир маълумотлари назорат тадбирлари натижаси бўйича расмийлаштирилган ҳужжатлар билан бирга алоҳида сақланади.

16. Иштирокчилар томонидан солиқ тўловчиларнинг фаолиятида амалга оширилган назорат тадбири жараёнида олинган видеотасвир маълумотларидан ушбу назорат тадбирлари натижаларини кўриб чиқиш, солиқ органлари томонидан қарор қабул қилиш, шунингдек суд ва ҳуқуқни муҳофаза қилувчи органларда кўриб чиқишда фойдаланиш мумкин.

17. Назорат тадбирларида олинган видеотасвир маълумотларидан хизматдан ташқари мақсадларда фойдаланиш, ижтимоий тармоқларга жойлаштириш, шунингдек юридик ва жисмоний шахсларнинг ҳуқуқлари ва қонуний манфаатлари бузилишига олиб келадиган тарзда тарқатиш тақиқланади, қонун ҳужжатларида белгиланган тартибда назорат тадбирларида олинган видеотасвир маълумотларидан профилак-

тика мақсадларда солиқ тўловчига нисбатан қонуний чора кўрилгандан сўнг оммавий ахборот воситаларида ёритиш бундан мустасно.

5-БОБ. ЯКУНИЙ ҚОИДАЛАР

18. Солиқ органи томонидан ўтказиладиган назорат тадбирларини видеотасвирга олиш билан боғлиқ низолар қонун ҳужжатларида белгиланган тартибда ҳал этилади.

19. Мазкур Низом талабларининг бузилишида айбдор бўлган шахслар қонунчиликда белгиланган тартибда жавобгарликка тортилади.

20. Мазкур Низом Ўзбекистон Республикаси Савдо-саноат палатаси билан келишилган.

ЎЗБЕКИСТОН РЕСПУБЛИКАСИ
МОЛИЯ ВАЗИРЛИГИ, ИНВЕСТИЦИЯЛАР ВА ТАШҚИ
САВДО ВАЗИРЛИГИ, ҚИШЛОҚ ХЎЖАЛИГИ
ВАЗИРЛИГИНИНГ
ҚАРОРИ

**МЕВА-САБЗАВОТ МАҲСУЛОТЛАРИ ЭКСПОРТЁРЛАРИНИНГ ҚИШЛОҚ
ХЎЖАЛИГИ БИРЛАШМАЛАРИ АЪЗОЛАРИНИ МЕВА-САБЗАВОТ
МАҲСУЛОТЛАРИНИ ИШЛАБ ЧИҚАРИШНИНГ ЯНГИ ТЕХНОЛОГИЯЛАРИГА
ЎРГАТИШ, ҚИШЛОҚ ХЎЖАЛИГИ БИРЛАШМАЛАРИ АЪЗОЛАРИНИНГ
ЕРЛАРИДА АГРОТЕХНИК ТАДБИРЛАР МОНИТОРИНГИНИ ЎТКАЗИШ,
ҚИШЛОҚ ХЎЖАЛИГИ БИРЛАШМАЛАРИ АЪЗОЛАРИ ТОМОНИДАН ИШЛАБ
ЧИҚАРИЛАДИГАН МЕВА-САБЗАВОТ МАҲСУЛОТЛАРИНИНГ ТАШҚИ
БОЗОРЛАРИДА МАРКЕТИНГ ТАДҚИҚОТЛАРИНИ ЎТКАЗИШ БИЛАН БОҒЛИҚ
ХАРАЖАТЛАРИНИНГ 50 ФОИЗИНИ ҚОПЛАШ УЧУН СУБСИДИЯЛАР ТАҚДИМ
ЭТИШ ТАРТИБИ ТЎҒРИСИДАГИ НИЗОМНИ ТАСДИҚЛАШ ҲАҚИДА***

Ўзбекистон Республикаси Адлия вазирлиги томонидан 2020 17 январда рўйхатдан ўтказилди,
рўйхат рақами 3212

Ўзбекистон Республикаси Президентининг 2019 йил 14 мартдаги ПҚ-4239-сон «Мева-сабзавотчилик соҳасида қишлоқ хўжалиги кооперациясини ривожлантириш чора-тадбирлари тўғрисида»ги қарорига мувофиқ Ўзбекистон Республикаси Молия вазирлиги, Инвестициялар ва ташқи савдо вазирлиги ҳамда Қишлоқ хўжалиги вазирлиги қарор қилади:

1. Мева-сабзавот маҳсулотлари экспортёрларининг қишлоқ хўжалиги бирлашмалари аъзоларини мева-сабзавот маҳсулотларини ишлаб чиқаришнинг янги технологияларига ўргатиш,

қишлоқ хўжалиги бирлашмалари аъзоларининг ерларида агротехник тадбирлар мониторингини ўтказиш, қишлоқ хўжалиги бирлашмалари аъзолари томонидан ишлаб чиқариладиган мева-сабзавот маҳсулотларининг ташқи бозорларида маркетинг тадқиқотларини ўтказиш билан боғлиқ харажатларининг 50 фоизини қоплаш учун субсидиялар тақдим этиш тартиби тўғрисидаги низом иловага мувофиқ тасдиқлансин.

2. Мазкур қарор расмий эълон қилинган кундан эътиборан кучга кирди.

Молия вазири
Д.КУЧКАРОВ.
110-сон

Инвестициялар ва ташқи савдо вазири
С.УМУРЗАКОВ.
ққ-5-сон

Қишлоқ хўжалиги вазири
Ж.ХОДЖАЕВ.
68-сон

Тошкент ш., 2019 йил 16 декабрь.

*Ушбу қарор Қонун ҳужжатлари маълумотлари миллий базасида (lex.uz) 30.12.2019 йилда расман эълон қилинган ва 17.01.2020 йилдан кучга кирди.

**Низомга 1-3-иловлар «Норма маслаҳатчи»да берилмайди. Ҳужжатнинг тўлиқ матни билан «Норма» АҚТ ва nrm.uz сайтида танишиш мумкин.

РЕКЛАМА

Ўзбекистон Республикаси
қонунчилиги

www.norma.uz

6

НОРМА МАСЛАҲАТЧИ

www.nrm.uz

№ 5 (758) ■ 2020 йил 4 февраль

**МЕВА-САБЗАВОТ МАҲСУЛОТЛАРИ ЭКСПОРТЁРЛАРИНИНГ ҚИШЛОҚ ХЎЖАЛИГИ
БИРЛАШМАЛАРИ АЪЗОЛАРИНИ МЕВА-САБЗАВОТ МАҲСУЛОТЛАРИНИ ИШЛАБ
ЧИҚАРИШНИНГ ЯНГИ ТЕХНОЛОГИЯЛАРИГА ЎРГАТИШ, ҚИШЛОҚ ХЎЖАЛИГИ
БИРЛАШМАЛАРИ АЪЗОЛАРИНИНГ ЕРЛАРИДА АГРОТЕХНИК ТАДБИРЛАР МОНИТОРИНГИНИ
ЎТҚАЗИШ, ҚИШЛОҚ ХЎЖАЛИГИ БИРЛАШМАЛАРИ АЪЗОЛАРИ ТОМОНИДАН ИШЛАБ
ЧИҚАРИЛАДИГАН МЕВА-САБЗАВОТ МАҲСУЛОТЛАРИНИНГ ТАШҚИ БОЗОРЛАРИДА
МАРКЕТИНГ ТАДҚИҚОТЛАРИНИ ЎТҚАЗИШ БИЛАН БОҒЛИҚ ХАРАЖАТЛАРИНИНГ
50 ФОИЗИНИ ҚОПЛАШ УЧУН СУБСИДИЯЛАР ТАҚДИМ ЭТИШ ТАРТИБИ ТЎҒРИСИДАГИ
НИЗОМ**

Мазкур Низом Ўзбекистон Республикаси Президентининг 2019 йил 14 мартдаги ПҚ-4239-сон «Мева-сабзавотчилик соҳасида қишлоқ хўжалиги кооперациясини ривожлантириш чора-тадбирлари тўғрисида»ги қарорига асосан мева-сабзавот маҳсулотлари экспортёрларининг қишлоқ хўжалиги бирлашмалари аъзоларини мева-сабзавот маҳсулотларини ишлаб чиқаришнинг янги технологияларига ўргатиш, қишлоқ хўжалиги бирлашмалари аъзоларининг ерларида агротехник тадбирлар мониторингини ўтказиш, қишлоқ хўжалиги бирлашмалари аъзолари томонидан ишлаб чиқариладиган мева-сабзавот маҳсулотларини ташқи бозорларда сотишга қаратилган маркетинг тадқиқотларини ўтказиш билан боғлиқ харажатларининг 50 фоизини қоплаш учун субсидиялар тақдим этиш тартибини белгилайди.

1-БОБ. УМУМИЙ ҚОИДАЛАР

1. Мазкур Низомда қуйидаги асосий тушунчалар қўлланилади:

мева-сабзавот маҳсулотлари – сабзавотлар, мевалар, дуккакли, ёнғоқ, узум, полиз ва резавор маҳсулотлари (шу жумладан, музлатилган ва қуритилган);

қишлоқ хўжалиги бирлашмалари – аъзолари фермер хўжаликлари, деҳқон хўжаликлари ҳамда томорқа ер эгалари, шунингдек мева-сабзавот маҳсулотларини ишлаб чиқариш ҳамда уларни тайёрлаш, ташуш, сақлаш ва сотиш бўйича хизмат кўрсатиш соҳасида фаолият олиб боровчи жисмоний ва юридик шахсларни ўз ичига олган юридик шахс;

маркетинг тадқиқотлари – ташқи бозордаги мева-сабзавот маҳсулотларига бўлган талабни ўрганиш, шу жумладан мева-сабзавот маҳсулотларининг нархи, бозордаги унга бўлган талаб миқдори, мева-сабзавот маҳсулотларини етказиб берувчи бошқа рақобатчи компанияларнинг бозордаги ўрнини ўрганиш (етказиб берадиган мева-сабзавот маҳсулотларининг ҳажмлари, нархлари, уларни етказиб бериш муддатлари).

2. Экспортёрнинг қишлоқ хўжалиги бирлашмалари аъзоларини мева-сабзавот маҳсулотларини етиштиришнинг янги технологияларига ўргатиш, уларнинг ерларида агротехник тадбирларни ўз вақтида амалга оширилиши юзасидан мониторинг ўтказиш ва қишлоқ хўжалиги бирлашмалари аъзолари томонидан ишлаб чиқарилган мева-сабзавот маҳсулотлари бўйича ташқи бозорларда маркетинг тадқиқотлари олиб бориш харажатларининг 50 фоизини қоплаш учун субсидиялар Ўзбекистон Республикаси Молия вазирлиги томонидан календарь йили учун Давлат бюджетидан Ўзбекистон Республикаси Инвестициялар ва ташқи савдо вазирлиги ҳузуридаги Экспортни рағбатлантириш агентлигига (бундан буён матнда Агентлик деб юритилади) ажратиладиган маблағлар, шунингдек жалб этиладиган халқаро молиявий институтлар маблағлари, шу жумладан Жаҳон банки маблағлари ҳисобидан амалга оширилади.

3. Қишлоқ хўжалиги бирлашмалари аъзоларини мева-сабзавот маҳсулотларини етиштиришнинг янги технологияларини

жорий этишга ўргатиш экспортёрлар томонидан тегишли мутахассисларни, шунингдек хорижий мутахассисларни жалб этган ҳолда ташкил этиладиган махсус ўқув курслари, амалий машғулотлар ҳамда семинарлар ташкил этиш орқали амалга оширилади ва экспортёрлар томонидан сарфланган харажатларнинг 50 фоизи миқдорида субсидиялар ажратилади.

Агентлик экспортёрларга қишлоқ хўжалиги бирлашмалари аъзолари учун махсус ўқув курслари, амалий машғулотлар ҳамда семинарлар ташкил этишда кўмаклашади. Бунда, Агентлик экспортёрнинг мурожаатига асосан ўқув курслари, амалий машғулотлар ҳамда семинарлар учун хориждан тегишли мутахассисларни топиш ва жалб қилишда ёрдам беради.

4. Қишлоқ хўжалиги бирлашмалари аъзоларининг ерларида агротехник тадбирларнинг ўз вақтида ва сифатли ўтказилиши юзасидан мониторинг юритиш учун экспортёр томонидан ишга олинмаган агрономларга ҳисобланган бир ойлик лавозим маошининг 50 фоизи миқдорида субсидиялар ажратилади.

Бунда, субсидия ҳар 300 гектардан 500 гектаргача бўлган экин майдони ҳисобига 1 та агроном учун ажратилади ва агрономнинг бир ойлик лавозим маоши учун ажратилмаган агрономнинг суммаси меҳнатга ҳақ тўлашнинг энг кам миқдорининг 5 бараваридан ошмаслиги лозим.

5. Қишлоқ хўжалиги бирлашмалари аъзолари томонидан етиштирилган мева-сабзавот маҳсулотларини ташқи бозорларда сотиш бўйича маркетинг тадқиқотлари экспортёр томонидан мустақил равишда ёки ихтисослашган ташкилотни жалб этган ҳолда амалга оширилади ва экспортёрлар томонидан сарфланган харажатларнинг 50 фоизи миқдорида субсидиялар ажратилади.

**2-БОБ. ЭКСПОРТЁРГА СУБСИДИЯЛАР АЖРАТИШ
ШАРТЛАРИ**

6. Агентлик томонидан экспортёрга субсидиялар ажратиш учун экспортёр Ўзбекистон Республикасида давлат рўйхатидан ўтган бўлиши ҳамда мазкур низомнинг 3, 4 ва 5-бандларида назарда тутилган тадбирлар учун тўловлар экспортёр томонидан амалга оширилган бўлиши керак.

7. Агар Агентлик томонидан ўтказилган мониторинг натижаларига кўра мазкур Низомнинг 3, 4 ва 5-бандларида назарда тутилган тадбирлар бўйича экспортёр томонидан тайёрланган бизнес-режда кўрсатилган экспорт ҳажми амалга оширилмаганлиги ёки тўлиқ амалга оширилмаганлиги аниқланса, Агентлик томонидан экспортёрга ажратилган тегишли субсидия маблағларининг амалга оширилмаган экспорт ҳажмига мутаносиб қисмини қайтариш тўғрисида экспортёрга талабнома юборади ва экспортёр 10 иш куни мобайнида талабномада кўрсатилган маблағларни Агентликка қайтарилишини таъминлаши зарур (бундан форс-мажор ҳолатлари мустасно).

8. Экспортёр томонидан талабнома бажарилмаган тақдирда, ажратилган субсидия маблағлари қонун ҳужжатларида белги-ланган тартибда ундириб олинади.

3-БОБ. ЭКСПОРТЁРГА СУБСИДИЯ АЖРАТИШ УЧУН ТАЛАБ ЭТИЛАДИГАН ХУЖЖАТЛАР ВА УЛАРНИ КЎРИБ ЧИҚИШ ТАРТИБИ

9. Экспортёр Агентликка субсидия ажратиш ҳақида мазкур Низомнинг 1-иловасига** мувофиқ шаклда ариза билан мурожаат қилади. Аризага қуйидаги ҳужжатлар илова қилинади:

экспортёрнинг имзоси билан тасдиқланган, махсулотни етиштириш (сизлаш), экспорт қилиш вақти ва ҳажмлари, шу жумладан ҳисобот йилида экспортдан тушадиган тушумлар тўғрисидаги маълумотлар кўрсатилган бизнес-режа (бир йилда бир маротаба дастлабки мурожаат қилинганда тақдим этилади);

қишлоқ ҳўжалиги бирлашмаси аъзоларининг экин ер майдонлари тўғрисидаги бирлашма раҳбарининг имзоси билан тасдиқланган маълумот;

агрономларга ҳисобланган иш ҳақи (ойлар кесимида), улар бўйича тўланган солиқлар тўғрисидаги маълумот ва (ёки) мазкур Низомнинг 3, 4 ва 5-бандларида назарда тутилган тадбирларни ёки улардан бирини амалга ошириш бўйича тузилган шартномалар, иш ва хизматлар бажарилганлиги тўғрисидаги далолатномалар, ҳисоб-фактуралар ҳамда улар бўйича амалга оширилган тўловларни тасдиқловчи ҳужжатларнинг нусхалари;

ҳисобот даврида амалга оширилган мева-сабзавот маҳсулотларининг экспорт ҳажми тўғрисидаги маълумот. Бунда экспорт ҳажмлари экспорт шартномаларининг Ташқи савдо операцияларининг ягона ахборот тизимидаги идентификация рақами кесимида кўрсатилади (бирлашма аъзолари томонидан етиштирилган мева-сабзавот маҳсулотларининг экспорти амалга оширилган бўлса).

10. Агентлик томонидан экспортёрнинг аризаларини кўриб чиқиш мазкур Низомнинг 2-иловасида** келтирилган схемага мувофиқ амалга оширилади.

11. Тақдим этилган ҳужжатларнинг ҳақиқийлиги ва ишончлилиги учун экспортёр қонун ҳужжатларига мувофиқ жавобгар ҳисобланади.

12. Мазкур Низомнинг 9-бандида кўрсатилган ҳужжатлардан бошқа ҳужжатларни талаб қилиш тақиқланади.

13. Ариза ва унга илова қилинган ҳужжатлар Агентликка бевосита, почта алоқаси воситалари орқали ёки электрон шаклда, шу жумладан Ташқи иқтисодий маълумотлар портали орқали тақдим этилади.

14. Ариза ва унга илова қилинган ҳужжатлар экспортёр томонидан Агентликка бевосита тақдим этилганда, ушбу Низомнинг 9-бандида қайд этилган ҳужжатлар тўлиқ бўлмаса, ариза кўриб чиқиш учун қабул қилинмайди.

15. Ариза ва унга илова қилинган ҳужжатлар Агентликка экспортёр томонидан почта алоқаси орқали ёки электрон шаклда, шу жумладан Ташқи иқтисодий маълумотлар портали орқали тақдим этилганда, ушбу Низомнинг 9-бандида қайд этилган ҳужжатлар тўлиқ тақдим этилмаган бўлса, Агентлик 3 иш кунини мобайнида экспортёрга ҳужжатларни тегишли жавоб хати билан қайтаради.

16. Мазкур Низомнинг 9-бандида қайд этилган ҳужжатлар тўлиқ тақдим этилганда, аризалар Агентлик томонидан 7 иш кунини мобайнида кўриб чиқилади.

17. Агентлик экспортёр ва у томонидан тақдим этилган ҳужжатларни мазкур Низом талаблари мувофиқлиги нўқтаи назардан ўрганиб чиқади ва субсидия ажратиш ёки ажратишни рад этиш тўғрисида қарор қабул қилади.

18. Агентлик субсидия ажратиш тўғрисидаги қарор қабул қилинган кўндан бошлаб 1 иш кунини мобайнида экспортёрга қабул қилинган қарор тўғрисида билдиришнома юборади.

Агар субсидия ажратишни рад этиш тўғрисида қарор қабул қилинган тақдирда, экспортёр кўрсатилган камчиликларни бартараф этган ҳолда субсидия олиш учун Агентликка ариза

билан қайта мурожаат қилганда, аризалар Агентлик томонидан 3 иш кунини мобайнида кўриб чиқилади.

19. Экспортёрнинг аризасини кўриб чиқиш учун тўлов ундирилмайди.

20. Экспортёрга субсидия ажратишни рад этиш учун қуйидагилар асос бўлади:

экспортёр мазкур Низомнинг 6-бандида белгиланган шартларга мос келмаса;

экспортёр томонидан тақдим этилган ҳужжатларда мазкур Низомнинг 22-бандида белгиланган тартибда ўтказиладиган ўрганишлар орқали ишонсиз ва нотўғри маълумотлар мавжудлиги ёки маълумотларни бузиб кўрсатиш ҳолатлари аниқланганда.

21. Мазкур Низомнинг 20-бандида қайд этилганда бошқа ҳолатларга кўра экспортёрга субсидия ажратишни рад этишга йўл қўйилмайди.

22. Агентлик экспортёр ва у томонидан тақдим этилган ҳужжатларни ахборот тизимлари, шу жумладан Ташқи савдо операцияларининг ягона ахборот тизими орқали ва тегишли органларнинг интернет ҳаёт ахборот тармоғидаги маълумотлар базалари ёрдамида ҳамда сўровномалар юбориш орқали ўрганиб чиқиши мумкин.

23. Экспортёр субсидия ажратилишини рад этиш тўғрисидаги қарордан норози бўлган тақдирда, ўрнатилган тартибда юқори турдучи ташиқлотга ёки судга шикоят қилиш ҳуқуқига эга.

4-БОБ. СУБСИДИЯ ТЎЛОВИНИ АМАЛГА ОШИРИШ ТАРТИБИ

24. Агентлик томонидан субсидия ажратиш тўғрисида қарор қабул қилингандан сўн 1 иш кунини мобайнида Ўзбекистон Республикаси Молия вазирлигига субсидия ажратиш тўғрисида буюртманома тақдим этади.

25. Ўзбекистон Республикаси Молия вазирлиги Агентлик томонидан тақдим этилган буюртманомани 1 иш кунини мобайнида буюртманомада кўрсатилган маблағларни Агентликнинг махсус шахсий ҳазна ҳисобварағига ўтказиб беради.

26. Агентлик махсус ҳазна ҳисобварағига келиб тушган субсидия маблағлари 1 банк кунини мобайнида Агентлик томонидан тегишли экспортёрларнинг тижорат банкидаги ҳисобрақамига ўтказиб берилади.

27. Субсидия ажратилган экспортёрларнинг реестри Агентлик томонидан ушбу Низомнинг 3-иловасида** келтирилган шаклга мувофиқ юришиб борилади.

28. Молия йили якуни бўйича Агентлик шахсий ҳазна ҳисобварағида фойдаланилмай қолган бюджет маблағлари Ўзбекистон Республикаси Давлат бюджетига қайтарилди.

29. Экспортёр томонидан қишлоқ ҳўжалиги бирлашмалари аъзоларини мева-сабзавот маҳсулотлари етиштиришнинг янги технологиясига ўргатиш, уларнинг ерларида агротехник тадбирларни ўз вақтида ўтказиши юзасидан мониторинг ўтказиш ва бирлашма аъзолари

томонидан ишлаб чиқарилган мева-сабзавот маҳсулотларини ташқи бозорларда маркетинг тадқиқотларини ўтказиш бўйича харажатларининг мазкур Низомга асосан ажратиладиган субсидиялар ҳисобига қоллангандан ортиқ қисми экспортёрнинг ўз маблағлари ҳисобидан амалга оширилади.

5-БОБ. ЯКУНИЙ ҚОЙДАЛАР

30. Экспортёрларга субсидия ажратилишини назорат қилиш Ўзбекистон Республикаси Молия вазирлигининг Давлат молиявий назорати департаменти томонидан амалга оширилади.

31. Ушбу Низом талаблари бузилишида айбдор бўлган шахслар қонун ҳужжатларига мувофиқ жавоб берадилар.

32. Мазкур Ўзбекистон Республикаси Савдо-саноат палатаси ва Ўзбекистон фермер, деҳқон ҳўжаликлари ва томорқа ер эгалари кенгаши билан келишилган.

ҚОНУНЧИЛИКДАГИ ЯНГИЛИКЛАР

Ўзбекистонга визасиз ташриф буюрадиганлар рўйхати кенгайтирилди

Бу Президентнинг 28.12.2019 йилдаги ПФ-5897-сон Фармонида назарда тутилган.

«Бирлашган Араб Амирликлари фуқаролари учун Ўзбекистон Республикасига кириш режимини янада соддалаштириш чора-тадбирлари тўғрисида»ги Фармон (18.03.2019 йилдаги ПФ-5691-сон) билан 2019 йил 20 мартдан бошлаб БАА фуқаролари учун мамлакатимиз ҳудудига кирган кундан эътиборан 30 кун муддатга визасиз режим жорий этилган.

Қабул қилинган ҳужжатда 2020 йил 1 январдан бошлаб Бирлашган Араб Амирликлари резиденти мақомини олган хорижий давлатлар фуқаролари учун 30 кун муддатга визасиз режим тақдим этилиши белгиланган.

Ушбу мақомни олган шахслар Ўзбекистон Республикасига кириш вақтида амал қилиш муддати 90 кундан кам бўлмаган резидентлик визасининг асл нусхасини тақдим этадилар.



Ҳужжат Қонун ҳужжатлари маълумотлари миллий базасида эълон қилинган ва 28.12.2019 йилдан кучга кирди.

norma.uz.

Консуллик ҳисобига туриш лозим

Корея Республикасида ўқийман. Консуллик ҳисобида турмайман. Февралда Индонезияда Халқаро талабалик форуми ўтказилиши режалаштирилмоқда. Факультетимиздаги конференцияга мени юборишмоқчи, бироқ ОВИР стикерим амал қилиш муддати тугаган, паспортимни эса алмаштирмаганман. Бошқа давлатга ОВИР стикерисиз борсам бўладими? Чиқиш учун рухсатнома қандай олинади? Ёки ЎзРнинг Кореядаги Ваколатхонасида паспортни алмаштирсам бўладими?

– Ўзбекистон Республикасининг Жанубий Кореядаги Ваколатхонасида консуллик ҳисобига турмаган бўлсангиз, эски намунадаги биометрик паспортдаги стикернинг амал қилиш муддати тугаши билан Ўзбекистонга қайтишингиз ва яшаш жойингиздаги Миграция ва фуқароликни расмийлаштириш бўлимидан хорижга чиқиш учун хорижий паспорт олишингиз шарт.

Бироқ, Жанубий Кореяда ўқиб туриб, бўлиш мамлакатига қонуний равишда ва 6 ойдан ошадиган муддатга келган бўлсангиз, хорижий паспорт олиш учун Ўзбекистоннинг консуллик муассасасига мурожаат қилишга ҳақлисиз.

Бунинг учун вақтинча консуллик ҳисобига туриш (Низомнинг 53-банди, 5.01.2011 йилдаги ПФ-4262-сон Фармонга 1-илова) ва куйидаги ҳужжатларни тақдим этиш лозим:

- сўровнома-ариза;
- эски намунадаги биометрик паспорт;
- ҳарбий гувоҳнома ёки қақрув участкасига ёзиб берилган гувоҳнома.

Шунингдек консуллик йигими тўланган бўлиши керак.

Ота-онам ёнимда яшаши учун

Рўйхатнинг 5-бандига биноан 2012 йилда Тошкентда прописка қилинганман. 2019 йил 23 сентябрда прописка қилиниш асосини (1-бандга) ўзгартиришди.

Пойтахтдаги хусусий турар жойимга 1941 ва 1945 йилда туғилган, ҳозирда Сурхондарё вилоятининг Термиз шаҳрида прописка қилинган ва у ерда доимий яшайдиган пенсионер кекса ота-онамни прописка қилсам бўладими?

Бунинг иложи бўлса, давлат органларига мурожаат қилиш тартиб-таомилларини тушунтириб беришингизни сўрайман.

– Тошкент шаҳри ва Тошкент вилоятида доимий прописка қилиниши лозим бўлган шахслар – Ўзбекистон Республикаси фуқаролари тоифаларининг рўй-

хати 1 ва 8-бандлари асосида Тошкент шаҳрида ва Тошкент вилоятида доимий прописка қилинган фуқароларнинг қариндошлари Рўйхатнинг 2-банди асосида доимий прописка қилинади (АВ томонидан 4.05.2012 йилда 2358-сон билан рўйхатдан ўтказилган Йўриқноманинг 4-банди).

Бунинг учун Тошкент шаҳри ёки Тошкент вилояти туман (шаҳар) ички ишлар бошқармаси (бўлими) Миграция ва фуқароликни расмийлаштириш бўлимига (МваФРБ) куйидаги ҳужжатлар тақдим этилиши лозим:

- белгиланган шаклдаги ариза;
- паспорт;
- контракт бўйича ҳарбий хизматчининг ёки Ўзбекистон Республикаси Қуролли Кучлари офицерининг шахсий гувоҳномаси (казармалар, корабллар ва кемалардан ташқарида яшайдиган ҳарбий хизматчилар учун);
- уй-жой ҳужжатларининг асл нусхаси (нусхалари олиниб, асли қайтарилади);
- уй-жой мулкдорининг (мулкдорларининг) турар жой майдони бериш тўғрисидаги аризаси (розилиги) ёхуд нотариал тасдиқланган аризаси (розилиги), агар шахсан ўзи бериш имкони мавжуд бўлмаса;
- никоҳ тузилганлиги ёки болалар туғилганлиги тўғрисидаги гувоҳномалар (нусхалари олиниб, асли қайтарилади);
- давлат божи тўланганлиги тўғрисидаги қитанция.

Рўйхатдан чиқариш учун – шахсий иштирок

Фуқаро Ўзбекистон ҳудудидан ташқарида бўлиб, Самарқандга келолмайди. Унинг ишончнома бўйича (адвокат номига имзо ҳуқуқи берилган ҳолда расмийлаштирилган асосий ишончнома бор) квартирдан рўйхатдан чиқариш мумкинми ёки у шахсан иштирок этиши зарурми?

– Ўзбекистон Республикасидан ташқарида бўлган фуқароларни ишончномалар бўйича, уларнинг шахсан иштирокисиз рўйхатдан чиқариш амалдаги қонун ҳужжатларида назарда тутилмаган.

Ўзбекистон Республикаси фуқароларини доимий прописка қилиш ва турган жойи бўйича ҳисобга олиш тартиби тўғрисида низомга (ВМнинг 22.10.2018 йилдаги 845-сон қарорига 1-илова) мувофиқ фуқаро рўйхатдан чиқиш учун Қорақалпоғистон Республикаси ва вилоятлар туман (шаҳар) ички ишлар бошқармаси (бўлими) МваФРБга куйидаги ҳужжатларни тақдим этади:

- белгиланган шакл бўйича ариза;
- паспорт ёки туғилганлик тўғрисидаги гувоҳнома;
- мудофаа ишлари бўлимидан ўчирилганлиги ҳақида белгиси мавжуд ҳисоб-ҳарбий ҳужжатлар;
- уй дафтари ёки қайд этиш карточкаси ва кватиралар бўйича карточка;

➢ рўйхатдан чиқарганлик учун Вазирлар Маҳкамаси томонидан белгиланган миқдорда давлат божи тўланганлиги тўғрисидаги қитанция.

Ўзодликдан маҳрум этишга ҳукм қилинган шахсларни рўйхатдан чиқариш маҳкумининг ишончномаси асосида ёки уй-жой биносидан фойдаланиш ҳуқуқини йўқотганлик ҳақидаги суд қарорига мувофиқ амалга оширилади.

Вафот этганлар ўлим қайд этилгандан кейин рўйхатдан чиқарилиши лозим.

Тақдим этилган ҳужжатларда ишончсиз ва ҳақиқатга мувофиқ бўлмаган маълумотлар аниқланган, шунингдек, вилоятларда доимий пропискага эга бўлиш учун асос бўлган ҳужжатлар қалбакилаштирилганлиги аниқланган тақдирда доимий прописка туман (шаҳар) ички ишлар бошқармаси (бўлими) МваФРБ томонидан бекор қилинади, кейинчалик материаллар тергов органларига юборилади.

Пропискани бекор қилиш ёки рўйхатдан чиқариш суд қарорига кўра, шунингдек, қонунда назарда тутилган бошқа ҳолларда ҳам амалга оширилиши мумкин.

Фақат битта фуқаролик


Ўзбекистон фуқароси 90-йиллар охирида Россияга кетиб, у ернинг фуқаролигини олган, бироқ 13 йилдирки Ўзбекистонда яшайди. У Ўзбекистон паспортига эгаллиги ва Ўзбекистон фуқаролигидан воз кечмаганлиги сабабли, бир вақтнинг ўзида Ўзбекистон фуқароси ҳисобланишини таъкидлайди. Шундай бўлиши мумкинми?

– Ўзбекистон қонун ҳужжатларида иккита фуқароликка эга бўлиш назарда тутилмаган.

«Ўзбекистон Республикасининг фуқаролиги тўғрисида»ги Қонуннинг 21-моддасига мувофиқ куйидаги ҳолларда Ўзбекистон Республикаси фуқаролиги йўқотилиши мумкин:

- 1) шахс чет давлатда ҳарбий хизматга, хавфсизлик хизмати идораларига, полицияга, адлия идораларига ёки давлат ҳокимияти ва бошқарувининг бошқа идораларига ишга кирганлиги натижасида;
- 2) агар чет элда доимий яшовчи шахс уч йил ичида узрли сабабларсиз консуллик ҳисобига турмаган бўлса;
- 3) агар Ўзбекистон Республикаси фуқаролиги ёлғонлиги шак-шубҳасиз маълумотлар ёки сохта ҳужжатлар тақдим этиш натижасида олинган бўлса;
- 4) агар шахс чет давлат фойдасини кўзлаб фаолият юритиш ёки тинчлик ва хавфсизликка қарши жиноятлар содир этиш орқали жамият ва давлат манфаатларига жиддий зарар етказган бўлса;
- 5) агар шахс чет давлатнинг фуқаролигини олган бўлса.

Эслатиб ўтамиз, чет давлатнинг фуқаролигини қабул қилган шахс ушбу факт ҳақида 30 кун ичида Ўзбекистон Республикасининг ички ишлар органларига ёки чет элдаги консуллик муассасаларига хабар бериши шарт.



Жавобгарликдан озод этиладиган ҳолатлар

Солиқларни тўлашдан бўйин товлаш ва савдо қоидаларини бузиш ҳолларида жиноий иш қўзғатилмаслиги учун ҳуқуқбузарликларни бартараф этишга 30 кунлик муддат қандай асосда берилади?

– Солиқлар ёки бошқа мажбурий тўловларни тўлашдан бўйин товлаш ҳолатлари аниқланганда, айбдор шахс жиноий жавобгарликдан озод этилиши мумкин. Хусусан, **биринчи марта жиноят содир этган шахс** давлатга етказилган зарарнинг ўрнини тўлиқ қопласа, шу жумладан пенялар ва бошқа молиявий санкцияларни тўласа, у жавобгарликдан озод этилади. Солиқ текшируви натижалари бўйича солиқ органининг қарорини ёки Бош прокуратура ҳузуридаги Иқтисодий жиноятларга қарши курашиш департаментининг содир этилган жиноят ҳақидаги хабарини олган кундан эътиборан **30 кун ичида** зарар қопланиши лозим (ЖКнинг 184-моддаси).

Савдо ёки хизмат кўрсатиш қоидаларини бузганликда айбдор деб топилган шахс худди шундай тартибда жавобгарликдан озод этилади. **Биринчи марта жиноят содир этган шахс**, агар у жиноят аниқланган кундан эътиборан **30 кунлик муддатда** савдо ёки хизмат кўрсатиш қоидалари бузилишининг оқибатларини бартараф этган ва етказилган моддий зарарнинг ўрнини қоплаган бўлса, жавобгарликдан озод этилади (ЖКнинг 189-моддаси).

Альберт Сафин,
«Norma» МЧЖ эксперти.

Олдиндан тўловсиз ТМҚ берилиши

Товарни сотиш ва уни харидорга беришда ҳисобварақ-фактурани олдиндан тўлов ўтказилмасдан тузиш мумкинми?

– 2019 йил 1 январдан бошлаб давлат улуши 50%дан кам бўлган корхоналар билан шартномалар бўйича ички бозорда олдиндан 15% тўловни амалга оширишга доир талаб бекор қилинган (30.10.2018 йилдаги ПФ-5564-сон Фармоннинг 1-банди).

Бинобарин, устав фондида давлат улуши

50%дан кам бўлган ёки давлат улуши бўлмаган корхоналар ТМҚ олдиндан тўлов ўтказилмасдан жўнатишга ва ҳисобварақ-фактурани ёзиб беришга ҳақлидир.

Наргиза Алимова, «Norma» МЧЖ эксперти.

Пул олиш учун пойтахтдаги квартирани гаровга қўйиш

Вилоятда истиқомат қиладиган фуқаро Тошкент шаҳрида яшайдиган фуқарога катта миқдорда қарз бермоқчи, бунда қарз олувчига тегишли Тошкентдаги квартира гаровга қўйилмоқда. Қонун ҳужжатларига мувофиқ бундай қарз берилиши мумкинми?

– Йўқ, Тошкент шаҳрида доимий прописка қилинмаган шахс учун бундай гаров назарда тутилмаган.

Тошкент шаҳрида доимий пропискага эга бўлган жисмоний шахс сотиб олувчи тараф бўлса, Тошкент шаҳрида олди-сотди битимлари нотариал тасдиқланади

ва давлат рўйхатидан ўтказилади, шу жумладан турар жой гаровга қўйилади (Низомнинг 8-банди, ВМнинг 16.02.2012 йилдаги 41-сон қарорига 1-илова; АВ томонидан 4.01.2019 йилда 3113-сон билан рўйхатдан ўтказилган Йўриқноманинг 50-банди).

Шу муносабат билан Тошкент

шаҳрида доимий пропискага эга бўлмаган шахсга пул қарз бериш шартномасини таъминлаш учун ипотека сифатида Тошкент шаҳрида жойлашган квартирани тақдим этиш қонун ҳужжатларига зиддир.

Павел Сильнов,
«Norma» МЧЖ эксперти.

Квартираларни сотиш – ҚҚС билан

Қурилиш ташкилотига (ҚҚС тўловчиси) 2019 йил мартда қурилиш учун рухсатнома берилган бўлса, бу 2020 йилда янги қурилган бинолар ҚҚС ҳисобланган ҳолда сотилишини аналатадими?

– 2019 йил мартда қурилиш учун рухсатнома олган ташкилот ҚҚСдан озод этишни қўллаши мумкин эмас. Янги қурган биноларнинг ҚҚС ҳисобланган ҳолда сотилади.

2019 йил 1 январга қадар қурилишга рухсат этилган уй-жой фонди объектларини бирламчи уй-жой бозорида реализация қилиш обороти 2019 йил 1 январдан 2020 йилнинг 1 январига қадар ҚҚСдан озод қилинган эди.

Қуйидаги объектларга ҚҚСдан озод этиш тааллуқли бўлмайди:

➢ 2017–2021 йилларда қишлоқ жойларда янгиланган намунавий лойиҳалар бўйича арзон уй-жойлар қуриш дастурига киритилган;

➢ 2017–2020 йилларда шаҳарларда арзон кўп квартирали уйларни қуриш ва реконструкция қилиш дастурига киритилган;

➢ 2019 йил 1 январдан кейин қурилишга рухсат этилган уй-жой фонди объектларига (13.05.2019 йилдаги ПФ-5715-сон Фармоннинг 13-банди).



Солиқчилар ҳаракати устидан қандай низолашса бўлади?

Солиқ инспекцияси 31.10.2019 йилда талабнома юбормасдан, ҳисобрақамимиздан 30 992 000 сўмни ҚҚС бўйича боқиманда сифатида ечиб олди. Солиқ бўйича тўлиқ ҳисоб-китобни тақдим этдик ва уларнинг ҳаракати ноқонуний эканлигини билдирдик (буни шахсан бориб ва шахсий кабинет орқали бир неча марта амалга оширдик). 10.12.2019 йилда ДСИ томонидан хулосага (бизга тақдим этилмади) биноан 11 056 000 сўм қайтарилди. Телефон қўнғироқларига ДСИ жавоб бермайди, инспектор уларнинг ҳаракатларини тушунтириб бера олмайди. 13.12.2019 йилда ўз ҳаракатларини тушунтириб беришларини сўраб, шахсий кабинет орқали сўров юбордик.

Бу вазиятга оидинлик киритиш учун қаерга мурожаат қилиш керак?

– Ҳар бир солиқ тўловчи давлат солиқ хизмати органларининг қарорлари, улар мансабдор шахсларининг ҳаракатлари ёки ҳаракатсизлиги устидан шикоят бериш учун давлат солиқ хизматининг юқори турувчи органига (юқори турувчи мансабдор шахсга) ёки судга мурожаат қилиш ҳуқуқига эга (эски таҳрирдаги Солиқ кодексининг 122-моддаси). Шикоят қилиш тартиби янги таҳрирдаги Солиқ кодексининг 230-236-моддаларида белгиланган.

Замира Жўраева,
«Norma» МЧЖ эксперти.

Иқтисодий-ҳуқуқий газета

НОРМА МАСЛАХАТЧИ

ХУҚУҚ
СОЛИҚЛАР
БУХГАЛТЕРИЯ

ТАЪСИСЧИ «Norma» МЧЖ

Газета 2018 йил 12 июнда Ўзбекистон Матбуот ва ахборот агентлигида рўйхатга олинди.

Рўйхат рақами 0074.

Хафтада бир марта сешанба кунлари чиқади.

Бош муҳаррир
Фарҳод Собирович
ҚҮРБОНБОЕВ

Нашр учун масъул –
бош муҳаррир
ўринбосари,
масъул котиб
Нодир Носирович
АЛИМОВ

Саҳифаловчи
Наталья
БАРАНОВА

ТАҲРИРИЯТ МАНЗИЛИ:
100105, Тошкент ш., Миробод тумани,
Таллимаржон кўч., 1/1,
Таҳририят тел. (71) 200-00-90
Обуна бўлими тел. (71) 200-00-30
E-mail: sbx@norma.uz,
gazeta@norma.uz,
web: norma.uz

Обуна, газеталар, китоблар,
газеталарнинг электрон версияларини
етказиб бериш ва харид қилиш масалалари
бўйича (71) 200-00-30;
«Norma» АҚТ бўйича – (71) 200-00-90;
Рекламини жойлаштириш бўйича
(71) 231-07-91 телефон рақамларига
муурожаат қилиш мумкин.

Газета ношир – «ТОРПРИНТ» МЧЖнинг компьютер базасида терилди ва саҳифаланди.
Нашр кўрсаткичи – 188. Қўзғаткичи – А3. Ҳажми – 2 босма таъб. Баҳоси келишилган нарҳда.
Буюртма г-222. Адади 690. Газета 2020 йил 3 февраль соат 15.00 да топирилди.